

QAASUTSUP KOMMUNIA



Innarluutillit pillugit politikki



Qaasuitsup Kommuneani innarluutillit

Aallaqqaasiut:

Innarluutillit /innorluutillit¹ inuttulli allatut ataqinassuseqartuupput. Inuit assigiinngitsuuvugut innarluuteqarnerlu tassaavoq assigiinngissutsitta ilaat, peqqissutsimut nammineersinnaassutsimullu killiliisuusoq. Innarluutillit minnerunngitsumik inuunermi assigiinngitsutigut pisariaqartitaqarput. Innarluutillillu pitsaanerpaamik atugassaartitaanissaat Qaasuitsup Kommuniata kissaatigaa.

Innarluutillit inuunermi oqariartuutissaqartarput ilisimasaqarlutillu tunniukkusutaminnik. Innarluuteqarneq anersaakkut timikkullu ineriartornissamat sapinngisamik killiliisuussariaqanngilaq – tamannami inuiaqatigiit ineriartornerannut pingaarteqarlunartuuvuq.

Innarluuteqarluni inuunermi, oqaluttuarnikkut, takutitsinikkut allatigulluunniit anersaakkut pigisanik ingerlatitseqqinnissamat periarfissaqarnissaq pingaarteqarpoq. Taamatut periarfissaqarnermi inuiaqatigiit assigiinngitsuunitsinnut takussutissaqarlualuta akornatsinnilu ilisarisanerulerluta inooqatigiinnissatsinnut tunngavigissaarnerulissagatta.

Innarluutillip nammineersinnaassusaa ataqinassusialu ajoquserneqassanngillat, timikkut tarnikkullu atugarisamigut inissisimanini pillugu innarluutilik immikkoortinneqassanngilaq. Timikkut anersaakkullu piginnaaneqarnertik aallaavigalugu timiminnik atuisinnaanissaat anguniarneqartuussaaq. Soqutigisaallu aallaavigalugit, peqatigiiffiit kattuffiillu atuumassuteqartut suleqatigalugit anersaakkut inuunermi ineriartortuarnissaat aqquutissiuarneqassalluni.

Siunertarinqartut:

Qaasuitsup kommuniata makku anguniagarai:

- Innarluutillit sapinngisamik sivisuunik nammineq najukkani naleqquttunilu najugaqarnissaat.
- Innuttaaqataasut innarluutillit sapinngisamik toqqissisimanartumik imaqartumillu inuuneqarnissaat anguniarneqartuussaaq.
- Qulakkeerneqassaaq, kaammattorneqarlutillu innarluutillit imminnut ikiornissaat, (imminut ikorsinnaanermut ilitersuullugit) aammalu kommunip tungaaniit pisariaqartitaannik aalajangiisoqassatillugu sapinngisamik peqataatinneqartassallutik.
- Nammineq piuumassutsiminnik innarluutillit peqatigiiffii aamma siunnersuisooqatigiiffiit Qaasuitsup kommuniata inissisimasut innarluutillit pillugit aalajangiinerni peqataatinneqartarnissaat.
- Innarluutillinnik sullissineq aqqissuunneqassaaq, qulakkeerniarlugu, sapinngisamik nukissat pigineqartut atorluarneqarnissaat, kiisalu qulakkiissallugu innarluutillit pisariaqartitsineq tunngavigalugu sapinngisamik sullinneqarnissaat.

Anguniakkat:

- Innarluutillinnik sullissinermi pitsaaliuineq aqquutigalugu pitsaanerpaamik ikiuinissaq qulakkeerniarlugu anguniakkap qullitittuarnissaa.
- Innarluutillinnik sullissinermi sannginnerusut ikiorneqartarnissaat salliutissallugu.
- Innarluutillit sapinngisamik nammineq angerlarsimaffiminni najugaqarnissat anguniartuassallugu, ilisarimasaminni, toqqissisimanartumilu angerlarsimanissat pissutigalugu.
- Sapinngisamik timimikkut tarnimikkullu innarluutillit, naleqqutinnngitsumik najugaqartillugit, naleqqutumut toqqissisimanartumullu nuutsinneqarnissaat anguniartuassallugu.
- Ikiorsiissutit timikkut pisariaqartit pigineqarnissaat.
- Innarluutillit ornittagaqarnissaat, ataatsimoorfigisinnaasanik, sanaluttarfinnik, kiisalu suliassaqartitsivinnik, il.il..
- Sulisut ikiuuttuarnissaat, innarluutillit ilinniaqarnissamat/ilinniaqqinnissamat periarfissaannut.

Isumassorneqarneq:

Innarluutillip kommunep susassaarfiiinnerani inuttut naleqqassusaa tamatigut ataqineqassaaq. Taamaammat aamma sulisoq sullissinermi ataqinnittumik pissuseqarnissaa pisariaqarpoq.

¹Oqaaseq innarluuteqarneq allaaserisap sinnerani atornerarpoq, oqaaseq innorluuteqarneq ilanngullugu isumagineqarluni

Sullissinerup tungaatigut pitsanngoriartortoqarsinnaaqullugu sulisorisat ilinniarteqqinneqartarnissaannut pilersaarummik peqartariaqarpoq, anguniakkat anguneqarsinnaaqullugit. Kommuneq innarluutilillu akornanni suleqatigiinnermi naligiittoqarsinnaaqullugu innarluutilinnut paasititsiniaanermik paasissutissiisarnermillu suliniutit annertusarneqarnissaat ineriartortinneqarnissaallu pisariaqarpoq, taamaaliornikkut assigiissumik sullissineq aqutissiorlugulu anguniarneqassammat. Innarluuteqarneq qanoq innarluutilimmuq isumaqarnersoq kinguneqarnersoq paaseqatigiiffiusariaqarpoq.

- Sulisup sulinermini innarluutilik qitiutissagaa anguniagaavoq.
- Inuiaqatigiinni ineriartorneq pillugu ataavartumik paasissutissiisoqartarnissaa anguniagaavoq.
- Nappatsaaliuineq pinaveersaartitsinermillu suliniutit pillugit innarluutilip paasititsiniaavigineqartarnissaa anguniagaavoq.
- Innarluutilip aamma nammineq inuunerminut inuunerminillu ingerlatsinerminut akisussaannissaa pingaaruteqarpoq.

Ineqarniarnikkut pissutsit:

Innarluutilit nammineersinnaanerusut sapinngisamik namminerisaminnik najukkaminniiginnartarnissaat anguniagaavoq. Ulluinnarnilu atugarisaat pitsaasooqullugit boligstøttep illuutaaniippata, inissiaruarni najugaqartuuppata imaluunniit namminerisaminnik illoqarpata tamarmik naligiimmik periarfissaqartitaasariaqarput.

Timikkut, tarnikkut inooqataanikkullu piginnaasat apeqqutaatillugit innarluutilip ineqarnikkut pisariaqartitaannut aamma aningaasaqarnikkut naleqquttumik qinigassinneqarnissaminnut periarfissaqarnissaat taamatuttaaq anguniagaavoq.

Ineqarnerup tungaatigut najugaqariaatsinik allaanerusunik qinigassat ilaneqarnissaat soorlu najugaqatigiiffinnik, kiisalu najugaqarfiit innarluutilinnut naleqqussakkat annertusarneqarnissaat anguniagaavoq. Taamatuttaaq najugaqatigiiffinni ineqartitsinermi isiginiarneqartassaaq sapinngisamik peqatigiissinnaasut – atukkamikkut assigiissuteqarnerusut – ineqatigiisittarnissaat taamaalilluni toqqissisimasumik najugaqatigiinneq aqutissiuukkumallugu.

Sunnigiffik/kulturi:

Innarluutilip timini atorlugu sammisaqarnissaminut periarfissaqartuarnissaa anguniagaavoq.

Timersornikkullu ingerlatsivigineqarneq pineqartunut naleqqutuusariaqarmat, timersuutit assigiinngitsut ataatsimoortillugit peqatigiiffimmi ataatsimi ingerlanneqarnissaat pisariaqarpoq.

Innarluutilit timersoqatigiiffimmik peqatigiiffeqarpata tamanna kommunip pisussaaffigaa peqatigiiffittut allatulli tapersersussallugu.

Taamatuttaaq innarluutilit anersaakkut inuunerminni unittuunnginnissaat anguniagaavoq.

Innarluutilit kulturikkut assigiinngitsunik piginnaaneqartut eqqumaffiginissaat pingaaruteqarpoq. Innarluutilik pitsorluttoq allatulluunniit timikkut innarluuteqartoq erinarsornermik soqutigisaqaruni allatulli erinarsornermik aallutaqarnissaminik periarfissaqartariaqarpoq.

Eqqarsartaatsimigut peqqissoq avatit atornissaat killiliilluni eqqarsaatit naqitanngornissaannut allatulluunniit saqqummiunnaannut periarfissat peeruttutut ilisimappata, siunnersorluarneqarnikkut periarfissat allat aqutigalugit eqqarsaatit inuiaqatinut saqqummiunnaannut periarfissaqarnissaa anguniagaavoq.

Kulturikkut sulianik saqqummiussinissamut, inunnik allanik naapitsinissamut, kiisalu sunngiffimmi - kulturikkullu sammisaqartitsinerneq allani innarluutilit sunniuteqaqataaffigisinnaasaannik periarfissarsiornermi peqatigiiffiit aqutigalugit suleqatigalugillu aqqissuussisoqartassaaq.

- Tamakku naammassineqarsinnaaqullugit inissat eqqarsaatigalugit pilersitsinissaa anguniagaavoq.
- Innarluutilit timersornikkut periarfissaqarnissaat anguniagaavoq; ingerlatsinikkut – atortorisatigut – innarluutilinnut naleqqussagaasumik.

Avatangiisit/atortorisallu

Avatangiisit innarluutilinnut naleqquttuunissaat anguniagaavoq. Taamaammat pisortat ingerlatsivii tamarmik piffiillu allat tikikkuminartuusinnaaqullugit ilusilersorneqarnissaat sulissutiginiarneqassaaq; tamakku isaariaappata, nunaminiuppata il. il. assigiimmik.

Angallannikkut atortulersuutit – illoqarfiup iluani angallassissutit – innarluutilinnut tamatigut naleqqussarneqartuarnissaat sulissutigineqassaaq. Aqqusernit eqqaanni issiaarfeqarnissaa tummeqqallu naleqqussagaasut, siunertaavoq anguniarneqassasut.

Anguniakkat allat:

Siunissami innarluutilit inuunerminut sunniuteqaqataannissaat pingaaruteqarpoq. Taamatuttaaq inuunerminni misilittakkamik kinguaariinnut tullernut ingerlatitseqqittarnissaat pingaaruteqarpoq. Taamaammat inoqatinut sukulluunniit attaveqarnissaminnut periarfissaqartuarnissaat, kiisalu attaveqarnerup annertusarneqartuarnissaa pisariaqarpoq anguniagaallunilu.

Suleqatigiinnikkut pissutsit:

Innarluutilinnik isumaginninnerup pitsaanerulernissaa aammalu sutigut tamatigut innarluutillit atugarisaasa pitsaanerulernissaat anguniarlugu pisortat susassaqarfiisa akornanni suleqatigiinnerup ineriartortinneqarnissaa annertusarneqarnissaa sulissutigineqartariaqarpoq.

Anguniakkanut makku ilaapput:

- Innarluutilinnut suleqatigiissitanik siunnersuisooqatigiinnik illoqarfinni tamani pilersitsinissaq
- Attaveqatigiinneq pitsaannerusoq
- Susassaqarfiit assigiinningsut akornanni eqaannerusumik suleqatigiilernissaq kiisalu sullitaq qitiutillugu.
- Sullissineq pitsaasoq. Taamaammat innarluutillit pillugit siunnersuisooqatigiinnik pilersitsisoqarpoq tassungalu ilanngullugu innarluutilinnut siunnersorteqalernissaq Qaasuitsup kommuniani anguniagaavortaaq.